

**415** ich hōrt ie sagen, swâ ez sô gezôch,  
 daz man gein wibes scherme vlôch,  
 dâ solde ellenthaftez jagen  
 an sîme strîte gar verzagen,  
 5 ob dâ wäre manlîchiu zuht.  
 hêr Vergulaht, iwers gastes vluht,  
 die er gein mir tet vür den tôt,  
 lêret iwern prîs noch lasters nôt.«  
 Kingrimursel dô sprach:  
 10 »hêrre, ûf iwern trôst geschach,  
 daz ich hêrn Gawan  
 ûf dem Plimizels plâne  
 gap vride her in iwer lant.  
 iwer sicherheit was pfant,  
 15 ob in sîn ellen trüege her,  
 daz ich des vür iuch würde wer,  
 in bestüende hie niht wan einec man.  
 hêrre, dâ bin ich bekrenket an.  
 hie sehen mîne genôze zuo;  
 20 diz laster ist uns gar ze vruo.  
 künnet ir niht vürsten schônen,  
 wir krenken och die krônen.  
 sol man iuch bî zühten sehen,  
 sô muoz des iwer zuht verjehen,  
 25 daz sippe reichtet ab iu an mich.  
 wäre daz ein kebeslîcher slich  
 mînhalp, swâ uns diu wirt gezilt,  
 ir hetet iuch gâhes an mir bevilt;  
 Wande ich bin ein ritter doch,  
 30 an dem nie valsch wart vunden noch.

swâz (swenne ez V) sich sô g., \*T (I)

daz ich dem (den I [L]) hêrn Gawan \*G (ohne OZ)  
 ûf des Plymizols pl. \*T (nur T)  
 vr. (her L) in \*G (ohne OZ)

in b. hie nieman (nih I [O L]) wan (denne V) ein man. \*T (I O L)  
 ich gekrenkt (bekrenken Z) an. \*G (ohne OL) (U)

daz l. \*T (O L)

sô m. iuwer z. des jehen, \*T

uns om. \*T (nur T)  
 gâhens (gahen I gahes L) gein mir \*G \*T

---

\*D: D \*m: m \*G: G I O L Z \*T: T U V

---

**1** Initiale O L Z **9** Initiale m I T U V **21** Initiale G **29** Initiale D

---

**11** ich] ich dem \*m **14** was] gap \*m **16** des] es \*m **17** in] ich D · hie] om. \*m **28** an] gegen \*m